

# VENTORVM DISTINCTIO,

nomenclatura & situs, ex recentiorum  
Nautarum & Hydrographorū placitis.

**H**A CT E N V S uentos de antiquorum sententia duodenario numero distribuimus: fecimusque quatuor reliquorum ueluti principes, à quatuor mundi cardinibus, æquinoctiali oriente & occasu, necnon meridie & Septentrione, flatu rectà (quoad eius fieri potest) procedentes: & alios insuper duos horum cuilibet sociali utrinque fœdere iunctos: pro maxima solaris exortus & occasus (ut loquuntur) amplitudine. Nunc ostendere superest, quomodo recētiore nautæ & Hydrographi (maximè qui quotidie Oceanū aquarū parentē explorāt) uniuersum Horizontis ambitū, cōtra antiquorū præscripta, in duorum & triginta uentorū distinctionem appositissimè (quod ad rem nauticā & Hydrographicā attinet) distribuērūt. Qua in re hīc mihi monendus es lector optime, nautas priscos Mediterranei maris & AEgei (quod Archipelagus incognita Oceani uastitate nuncupabant) cum hodiernis Oceani naucleris in ipsis cardinibus dūtaxat conuenire, in alijs nō item. Nam recentiores nautæ, inter quatuor angulares uentos, hīc rei & doctrinæ causa à nobis reges & principes nuncupatos, rursus quatuor (cuique spatium inter duos cardines, unum) inseruerunt: quos præcipuos inscripserunt: nos mutuata à Vitruuio uoce medianos: quòd ab ipsis cardinibus medijs ex æquo stent: factusque hinc fuit octonarius uentorum numerus. Deinde ascititjs illis

Superiorum ueluti Epilogus.

Vētiduo & triginta apud recentiores nautas & Hydrographos.

Venti quatuor principes & sub his alij quatuor præcipui: seu mediani.

D.iiij.

quatuor